

اغفال ایدله سی جهته مایوسیتندن کنديسی
قالدیروب دکره آهرق ایام حیاتیه سنه خاتمه
چکدیکی یاخود غیر مشروع اوله رق تولد
ایدن یاوروسنی الیه اولدیردیکی کمال تأسفله
اوقونمه سون! . .

برقادین، تعبیر مخصوصی وجهله، «طریق
فضیلتدن انحراف ایدمه جک اولورسه» آرتق
هر کونه تحقیراته، هر کونه توبیخاته کسب
استحقاق ایدر. مرتکب اولدینی جنایتدن
دولایی، صحایف ناموسی لکدار اولمаш
اولان کیسه لک یانه قبول اولماز. یعنی آرتق
افکار عمومیه هم آتی، همده منسوب اولدینی
فاملیایی ناموس سزقله اتهام ایدر. برحاله که
حسب البشریه برنجی دفعه اولق اوزره
ارتکاب ایتیش اولدینی برخطادن دولایی
جزا دیده اولان شخص مؤخرأ اصلاح
احوال ایدمه جک دخی اولسه اصلاً نظر قبوله
آلتمه دینی جهته بوندن پک چوق نتایج و خیمیه
تولد ایدیور.

مشاهیر مؤلفین و اخلاقیوندن موسیو
(Lecky)، رحم وشفقتدن عاری بویله بر
جمعیت افراندن بالجهور بهر مافیه صایانلرک
مقدار سنوینسی الی بیک تخمین وموسیو
(Beswicke) ایسه ایستایستیکله استناداً
مقدار مذکورى اوج مثله یعنی یوز الی
بیکه ابلاغ ایتمکده در! . .

برآزده «تراجم احوال نوع بشر»
اولان تاریخ صحیفته کوز کردیرهلم:

معلوم آ، جنوبی آفریقا، حکومتلرندن
بولنان (پرو Péro) لیلر، اسپانیوللرک
مواصلتندن اول یعنی (ننقا) خاندانک
زیر اداره لرینه کچمزدن مقدم «حسن اخلاقه»
کسب اشتهار ایتشلردی. حتی اسپانیا خاندانک
صوک قرالارندن اولان برذاتک وصیتنامه سنک
باش طرفنده شو سوزلر اوقونیوردی:

«(پرو) اهالیسی اصحاب قناعتدن،
ارباب صنعتدندر. «سرفت، زنا» کبی افعال
غیر مشروعه ایشیدلمش شی دکدر!»

مع مافیه بهروده «بر متأهله» «ممنوع
اولان میوه دن طاتدیغندن دولایی!»
ناموس سزقله اتهام اولماز. غریبنه باقکز که
(ننقا) نه بویله بر فعل غیر مشروعی مذهب،
قانون بیله توصیه ایدرمش. مأخذ اتخاذ
ایتدیگمز شو مقاله نك محوری دیورکه:

«اگ مشهور محرر لر شونده متحدالر ایدر.
جنسین بیننده کی مناسبات حقیقه الیوم حل
اولنماش ممالردندر. مناسبات مذکوره
شمدییه قدر زمانه، ممالکه کوره اشکال
مختلفه آلتنده کورلمشدر.»

نه او، قارئین کرام! کتاب مجیدمن
حل اولنماش هیچ برشی بر اقامشی دیه جکسکر؟
حقکر وار. بر آز صبر ایدرسه کز محررکده
ضمناً او فکرده بولندیغنی کورورسکر.

یهودیله استفراش مشروع دکلیدی؟
مستفرشه لک حقوقی قانونله تحت تأمیندخی
آلتمشدی.

استفراش رومالیر نزدنده جاری
ایدی. حتی (آوغستوس Auguste) بوکا
بالخاصه مساعده ایتمشدی.

لورد (Mackenzie) براننده دیورکه:
«ازدواج رومالیر نظرنده، موافقت
طرفینله منعقد وینه او صورتله منفسخ بر
براتحاددن عبارتدر،»

استفراش، ژوستی نی یه زمانه قدر
مشروع ایدی. حتی (فرانکلر، لونبارلر،
ژرمنلر) قدر تمم ایتمشدی. پروتستان
رؤسانندن بری اولوب تورات شریفی آلمان
لسانه نرجه ایتیش اولان (لوتر Luther):

«حضرت عیسی [عم] (Polygamie) یی
منع ایتمه مش اولدینی جهته ایسته دیکم قدر
اولنه بیلیرم.» دیمشدر.

شمدیکی فرانسلرک اسکی خاندانلرندن
بولنان مروو لیلر نزدنده قرالر آچیقندن
آچیفه برقاچ قادین آلیرلردی. حتی پاپاسلر
بیله قرالارک اثرینه اقتفا ایدرلردی.
وقتیله دنیانک بیوک بر قسمنه حکمفرما

اولمش اولان (شارلمان) ک بیله ایکی قاریسی
وبرچوق مستفرشه سی بولندیغنی حالده کلیسا
کندیسنی اعززه عدادینه ادخالدن چکینه مشدر.
موسیو (Canon Isaac Aylor) نام
ذات دیورکه:

«تعدد زوجات سایه سنده ممالک اسلا.
میهده برمسعودیت تامه حکمفرمادر. انکلتزده
نظر تأسفله کورولن احوال ناسزا مسلمانلرک
قواعد مضبوطه آلتنده بولنان «تعدد زوجات» نده
کوردیگمز مضرت جزئییه — که حقیقتده
ذره قدر مضرتی یوقدر — طعیانی ممالک
خرستیانییه یی برباد ایدن (Polyandrie)
مضراتنه نسبت لاشی، مثابه سنده در.

موسیو (Beswicke) خاتمه مقال اوله رق
دیورکه:

تعداد زوجات لهنده اداره لسان
ایتدیگمن دولایی پک چوق ذواتک بکا
نظر نفرقله باقه جقلرندن امینم. فقط بر آز
دوشونیلیرسه تسلیم ایدیلیرکه مقصد عاجزانه
«انسانی پامال ایدن بر عادت قدیمیه اورته دن
قالدیرمق» دن عبارتدر. بنابرین مطالعات
مسروودم بعض ذواتی بو بایده بز آز اعمال
فکر ایتدیره جک اولورسه بهروده امک
چکمه مش اولورم.

مصطفی فاضل

کوی هکیمی

صحرانشین ذوق وراحت اولوبده کویده
امرار حیات ایدن قادینلرک اصول اداره
وحیاتیه سنه متعلق «وظائف یتیه نسوان»
نامیله کچن نسخه مزدن اعتباراً نشرینه باشلا.
دیغمز رساله فوائد اساله نك تمنا سندن
اولان شو رساله ده استفاده یی موجب کو.
روندیکی جهته بو نسخه مزدن اعتباراً درجه
ابتدار ایدیه یورز.

فی الحقیقه کوی عالمده اوقاتگذار اولانلر ایچون هر درلو عوارضه طبییه مراجعت کافتنی اختیار یک دشوار و بلکهده بر امر محال اوله جغندن عند الاقتضا طبیب جنبه قدر تدایر ابتداییه یی اجراه مدار اولمق اوزره معلومات لازمیه یی حائز بولنق نه درجه لدره مهم بر کیفیت اولدییی بیاندن آزاده در .

شوراسی شایان ذقندرکه، اصول تداویده مرضی معلوم اولان بر خسته یی معالجات اعطاسیله تدایر ایتمکدن زیاده، مریضک خسته لکنی تشخیص ایله مک خصوصنده ابراز مهارت لازمدر . مرض تشخیص اولندقدین صوکره، آنک ایچون بولنقش اولان علاجلره تدایر یی مسارعت بر درجه یی قدر قولای ایسه ده . بعض امراضک علاماتی یک مختلف اولوب اکثر یانسانی خطایه دوشوردیکندن بوکی احوالده اجرای طبابت مشکل اوله رق کیفیت تشخیص مدت مدیده ایفای تجارب ایله تدقیقات مقادیه و عمیقیه وابسته قالیر .

محررک فکرینه قالیرسه بر طبیبک «کوی هکیملکی» جقنده بر کتاب تحریر اتمه سی مشکلدیر . شو فکری تشریح ایدلم :

صنایعدن برینه منسوب اولانلر، آنک فعلیاتی نظریاتی کبی آچیق، ساده و قولای کورورلر . هر کس ده بونی بویله جه کورور، آکلار ظن ایدرلر . دیمک که بو حال «کوی هکیملکی» اوزرینه بر اثر یازمق ایسته یین طبییده ده واقع و موجود اولوب بر طاقم اصطلاحات و تعبیرات فیه استعمال ایدرک تحریر ایله یی جکی رساله دن عمومک استفاده ایده بیله جکی ظننده بولنور؛ بویوله یازمش بر اثری انجق آنکله صورت دأتمده متوغل بولنلر تفهم ایده بیلوب، غوامض فن طبه آشنا اوله یینلرک برشی آکلاویه جقلرینی و خلقک استفاده سی مستلزم اوله جق بر اثرک غایت واضح بولنمسی لازم کله جکفی خاطرینه بیله کتیرمن .

ایشته بوقیلدن اوله رق مشاهیر اطباءدن

برچوق ذواتک تألیفکرده لری بولنلر کتب و رسائل بوبابده حسن نتیجه حاصل ایده میوب بعض احوالده فنالغی بیله دعوت ایتشدیر . برچوق آدملر، امراضک تعریفاتی لایقوله آکلادیغنه قانع اوله رق، فکر لرنبجه تعریفات واقعیه موافق ظن ایتدکاری بر مرضی، کلیاً مخالف اصول بر علاجله تدایر یی قاقیشوب بونده حصول شفایه مقابل مضرت کورورلر . یاخود بر طاقم اوهامه دوجار اولورلر و بو یوزدن وجودی اوله یین بر مرضی دعوت ایدرلر . «کوی هکیملکی» نه دائر یازیله جق بر اثرده طبیبک معاونته مراجعته ابراز مسارعت اولنق لازم کلن احوالی و طبیب کانبجیه قدر اجراسی لابد اولان تدایر ابتداییه یی ارانه و تصویر ایدرک بو خصوصلرده خلقک نظر دقتی جلب ایتک ایجاب ایلر . شو حالده بوقیلدن بر اثرک بعض قواعد صحیه یی و طبیب جنبه شدتله لزوم اوله یین بر طاقم اهمیتسز عوارض ایچون ترتیب و اعطاسی قولای و هر درلو مضرتدن عاری معالجاتک صورت استحضارینی معرف بولنمسی تأمین مقصده کافی کورونور . مع هذا بومیانده بعضاً قضا و قوعنده وادی امرده تشخیص قابل اوله مه یین امراضده یایله بیله جک مدوات ابتداییه یی تعریفی فائده دن خالی اوله مه جغندن بوبابده ده سهولته آکلاشیله جق صورته معلومات کافی اعطاسی مناسب اولور .

فوائد مبسوطیه یی شامل اولمق اوزره ترتیب ایدیلن شورساله اصطلاحات و تعبیرات فیه دن کلیاً عاری بولنر یله رق افاده سننده التزام سادگی اولندیغندن مطالعه ایدنلر تعریفات واقعیه یی لایقوله و کال سهولته تفهم ولدی الايجاب کوی عالمده یاشایان عالمه لری افرادینه، کوی محتاجینه، قومشورینه امداد و معاونت ایده بیله جکلر در .

{ برنجی باب }

﴿ اجزاءنامه دلفانی ﴾

محررانشین اولان ارباب طبیعت و نزهت ایچون مسکنلرنده استحضاری قولای بعض معالجاتی حاوی اوفاجق بر اجزاخانه بولنر . مق لازمدر . بونکله بعض خفیف راحتسز لکدر تدایر و تأخر وقوعی موجب اندیشه اوله بیله جک احوالده در حال ابتدائی تدایرک اجراسی، خلاصه مریض و مجروح فقرایه معاونت ممکن اولور . بواجزاخانه جکده کرک استحضار معالجات، و کرک سائر تدایر ایچون بعض آلات و ادواتک بولنر یلمسی ده اقتضا ایدر . لزوم کوروله بیله جک اولان آلات و ادوات شونلر در :

اوافق و غایت حساس بر ترازی ایله ساتیغرامه قدر اقسامی حاوی لزومی مقدار درهملر؛

بر دامله آلتی؛

پورسلندن معمول بر هوان، بر هوان الی؛

ایکی دانه جام حونی؛

ایکی اوچ دانه آفاج اجزاجی قاشیغی؛ بو قاشیق لکدر برینک صابی یومشاق چلیکدن اولمالی .

ایکی اوچ دانه پورسلندن معمول قوانوز؛

متعدد سوزکچ؛ بولنر دائماً نظیف بر حالده بولنمالی

امزیک شیشه لری و لاستیق و قانونو چوقدن مده و بورو؛

بر احتقان آلتی؛

قولاق لری ییقامعه مخصوص اوافق بر شریغنه؛

(مابعدی وار)